

FCU 6

HARVARD COLLEGE LIBRARY
FROM THE
HARVARD-YENCHING
INSTITUTE

JUL 11 1929 32

CHL 3140. 2332, P3

德州志卷十

貞節



人必有不可奪之志挾正氣以行而後成其節
動心忍性百折不回節之所以安也為臣有節
為婦亦有節婦以夫為天猶君也婦之節忠於
其夫也其骨已朽其心不朽在婦為節在女為
貞一也合志之以垂不朽

元

呂彥能陵州人至正十八年賊犯陵州彥能謀

避之其姊孀居彥能家曰我喪夫無子何用生
為苟辱身不如死遂投井中彥能妻劉氏語彥
能曰自為君家婦二十八年不幸逢亂離豈敢
負君妾入井矣君可自往於時彥能二女及子
婦王氏二女孫相隨入井一門死者七人

明

李氏楊淮妻年十八淮卒子甫二歲家貧舅姑
諷以改適氏慟哭投繯絕而復懸者三遂聽從
其志拾禾自給養老撫孤卒年八十巡按御史

表其門

潘氏劉某聘妻未嫁而劉卒氏飲泣奔喪兄挽
之不可劉家貧無以歛氏出簪珥歛之仍歸兄
家以女紅自給終身不筭後十年終

吳氏陳瑀妻嫁歲餘瑀卒生遺腹子恕撫養成
立正統間旌

周氏王敏妻敏卒遂自經正統十年旌

馬氏李某妻正德六年遇賊死節

蕭氏劉聰妻正德六年遇賊死節

曾氏姜淳妻年十九淳卒子禧生甫六月氏守志奉姑克盡孝養姑歿殯葬如禮子禧以歲貢官江西布政司經歷嘉靖間旌

曾氏張宗禮妻御史清女孫也讀書曉大義宗禮卒掃迹孀居事舅姑甚恭撫按表其門

馬氏楊俊妻年二十五俊卒一女未齒遺腹生子隆時家貧竭女紅以養姑撫孤姑歿葬以禮後女適王氏生子本本早孤歸養於馬氏甥女適滿氏生子安安又早孤歸養於馬氏卹二孤

如已子里人稱之

陳氏世襲千戶党恭妻刑部郎中誼女也生子玘方四歲恭卒氏守節課子玘長繼職居官有

聲

項氏左衛百戶吳景榮妻年二十一景榮卒氏號哭不絕水漿不入口者三日而死與景榮並

匱而出合葬城北

陳氏千戶韓璽次子某妻夫卒三日不食死於殯側衛官上其事撫按俱遣祭弔

以上本唐志

王氏庠生韓承業妻庠生王會禮女名桂年二十承業卒氏號泣不食者七日欲以身殉其母勸止之遂蔬食獨居萬歷四十八年五月初三日子夜席地趺坐以三昧火自焚題准建祠於南門內

王氏何文鄉妻生子大清側室生子大洪文鄉卒氏年二十四族豪百計侵軼欲奪其志氏守死撫孤並庶孤俱成立年六十九而卒以孫顯宗請得旌表

鄭氏何大清妻年十八適大清生子二大清卒氏年二十九一慟幾絕不食者五日姑王氏再三慰止之夫弟大洪逼之改嫁不從復謀危其二子氏茹荼盡瘁保育藐孤孝事老姑姑病癰一切盥漱櫛繼氏以身代夜則負以溲溺及歿殯葬盡禮教子顯宗成進士以子顯宗請得旌表

謝氏庠生周光烈妻御史謝廷策女也通女範內則年十八適光烈善事翁姑光烈卒整衣辭

姑及母誓以身殉母兄勸諭之觸階求死越五日卒得旌表

史氏德衛官籍劉傑妻生二子而傑卒忍死守

孤田為勢家所奪艱苦備嘗紡績課子萬歷乙

卯長子邦佐舉於鄉氏年八十終學使者表其

門

徐氏庠生劉蒙亨妻張氏蒙亨妾蒙亨卒二氏

年俱十九張有遺腹越三月生子嘉允二氏不

踰外闕留小門以通薪水茹淡食蔬躬自訓子

萬歷己酉嘉允登賢書張先卒徐壽幾七十奉

旨建雙節坊

吳氏周紀妻年二十二紀卒矢志守節自毀其

面終養兩世舅姑葬祭以禮壽八十院道旌其

門

吳氏廩生周相妻年二十相卒紡績撫孤子行

長食餼氏年八十有七本州申請表揚

以上本安志

國朝

梁氏趙養泰妻年二十七養泰卒生子三辛勤

訓育紡績佐讀長子景星以舉人官通判次子其星進士汾陽縣知縣季子台星庠生氏年八十有五院道表其門

劉氏鄒塽妻年十八適塽五日而塽卒遺腹生子文炳矢志守節敬事翁姑教養孤穉年八十有六

張氏儒士陳懋醇妻年十九懋醇卒遺腹生子會極茹苦織紝教子成立會極以恩貢授竟寧縣知縣年七十有九院道表其門

劉氏何繼宗妾生子真年二十六繼宗卒守節勤家享年九十六歲知州表其門

劉氏王朝鼎妻年二十四朝鼎卒守節侍姑姑病焚香禱祝願以身代不逾旬而姑愈初劉之未嫁也母遺幼妹及其姑之歿也又遺幼叔皆不辭勤勞撫育之苦節五十三年

王氏何文卿妾生子大洪年十八文卿卒氏依主母王氏守節終身

謝氏儒士任明翰妻年十九于歸未三月而明

翰卒氏欲以身殉舅姑強之食守節三十五年
康熙十二年題准

旌表

邢氏袁恩封妻年二十恩封卒生二女無子守
節五十二年

金氏廩生張允泰妻年二十七允泰卒不食七
日而死

康氏梁國標妻生子二國標卒標有幼弟一歲
失恃氏乳哺襁褓珍愛有加家貧辛勤績紡長

子廷珠順治辛卯舉人次子蘊錦庠生

羅氏庠生何覺妻覺北遊不返氏年二十九子

允掄生甫三月米糲自矢孝事孀姑教子成立

苦節垂四十年

郭氏宋之龍妻年二十九之龍卒事姑訓子守

節終身

陳氏庠生鄒騏生妻年二十騏生卒遺孤維乾

在襁褓家貧氏勤女工以養孤訓子後維乾入

郡庠院道府州表其門

顧氏庠生李誠明妻年二十九誠明卒氏五日
 不食復念長子深甫十歲幼子濬在襁褓勉起
 撫育後數年濬又殤深亦未四十卒氏斃斃孀
 居再撫孤孫成立苦節四十餘年

李氏庠生劉日嶸妻貢生李枝盛女年二十五
 日嶸卒舅姑在堂茹苦食貧竭奉甘旨撫二子
 夢祥兆祥成立有聲庠序武德道知州均表其

門

呂氏陳復顯妻年十八復顯卒氏苦志守節康

熙七年題准

旌表

吳氏庠生程晉妻教授吳之茂女年十八晉卒
 無子女氏足不出閫苦節四十餘年院道表其

門

俞氏庠生呂燮妻庠生俞維藩女年二十六燮
 卒翁姑繼歿氏葬祭以禮撫孤成立守節三十

餘年

王氏湯德勝妻庠生王暢女年二十二德勝卒

二子俱幼氏欲以身殉其姑勸止之乃勉事翁姑克盡孝道撫子成立矢節四十餘年以上本

金志

王氏張宗禹妻年十七適張事姑孝謹生子耀甫三歲宗禹從軍東去經年不還人傳已死姑憫其年少欲嫁之氏矢死靡他夫兄宗堯利其產與妻陳氏謀譖於姑逼遣之氏方食號慟割面血沾衣而宗堯逼嫁益急氏遂以藐孤納諸老嫗田氏之懷而泣拜之入室自經姑令田氏入解索良久復蘇姑感其孝又感其節陳氏之

譖乃不行宗堯益疾之姑死氏勢益危宗堯子範誘耀於井上欲擠之耀以手抱其項死不解佃人張乾趨救獲免遂以鳴於村里人咸為之不平宗堯窘懼廼分土屋數椽瘠田四百畝與氏氏勤且儉產漸增而宗堯以驕逸蕩其業至於困窮氏割已產二百五十畝與之後復蕩廢飲食於氏老垂四十年氏嘗語耀曰吾所以善處汝伯父者乃體汝父所以事兄之道也汝其終守之卒年八十有七雍正三年題准

旌表

吳氏候補訓導趙廷選妻夫病侍湯藥晝夜不
懈夫歿子天立嗣子時中爲後奉親課子時中
登康熙辛卯鄉薦夫兄弟之子產中落氏以已
產均分之雍正六年題准

旌表

陳氏梁允謀妻年二十三允謀卒氏奉養孀姑
甘旨無缺撫孤文度食餼於庠雍正六年題准

旌表

張氏蔡有志妻年二十七而寡姑年八旬子夢
鯉夢龍尙幼氏上奉衰姑養生送死撫二子俱
成立雍正六年題准

旌表

貞女李氏侍郎濤女也幼知書許字世襲五經
博士孔毓埏長子傳鉅鉅早卒氏誓不改字歸
孔門孝於舅姑撫嗣子繼 受封雍正十二年
制府王士俊上其事

特恩旌表

劉氏劉彬妻年十七彬卒氏俟終夫喪投繯死
雍正十三年題准

旌表

單氏王光升妻年二十九光升死家貧子幼翁
姑在堂氏晝則採薪夜則紡績苦節六十七年
乾隆元年題准

旌表

李氏太學生王朝笏妻光升婦也年二十七朝
笏卒遺子繼先氏上奉孀姑冰操共勵每夜焚

香籲天願減年益姑壽姑年逾九十卒氏苦節
四十四年乾隆元年題准

旌表

榮氏太學生羅适妻進士榮爾奇女年二十一
适卒氏守節奉姑姑病晝夜不交睫喪葬以禮
苦節四十五年乾隆元年題准

旌表

葛氏太學生魏君端妻年二十二君端卒矢節
終身乾隆元年題准

旌表

劉氏庠生魏昭妻君端婦也年二十八昭卒截髮自誓姑老病癱謹侍藥餌數年如一日姑歿蔬食三年撫前妻子不承恩義兼至中康熙戊子科舉人氏年八十七卒乾隆元年題准

旌表

張氏蕭煒妻景州貢生張其凝女年十九煒卒氏上事祖姑及舅姑如下撫遺孤成立乾隆元年

題准

旌表

徐氏候選州同程慎妻年十九而寡引刀自刎誓以身殉戚鄰僉以翁柩未葬孀姑在堂勸止之氏勉為圖存立嗣守節乾隆二年題准

旌表

張氏盧蘭妻年十九蘭卒氏奉姑撫子克盡孝慈乾隆二年題准

旌表

湯氏歲貢生呂黻妻年二十九黻卒氏營葬舅

姑訓養孤子使黻無遺憾乾隆二年題准

旌表

李氏太學生盧道寧妻年十九道寧卒氏奉舅姑養祭以禮撫嗣子成立苦節四十八年乾隆二年題准

旌表

馬氏高顯智妻年十八顯智卒舅姑以喪子日夜飲泣氏百計承歡竭力奉養聞里咸稱孝焉乾隆二年題准

旌表

李氏太學生封運隆妻庠生李嗣賢女年二十九運隆卒時姑年八十餘子則前妻出也氏奉姑盡孝侍疾無倦容撫孤子恩勤備至乾隆二年題准

旌表

任氏太學生封璣妻運隆婦也年二十五璣卒遺子二氏善養姑志克盡孝道姑有女未嫁氏竭力奩贈課二子及諸孫各成立遊膠庠乾隆

三年題准

旌表

成氏庠生陳璵妻幼知書通列女傳年二十五
璵卒氏奉舅姑孝撫前妻子女如已出苦節五
十四年乾隆三年題准

旌表

王氏太學生王繼先妻朝笏婦也年二十四繼
先卒氏守節三十餘年與祖姑單氏姑李氏三
世完節鄉黨欽之乾隆三年題准

旌表

范氏貢生劉守經妻年二十八守經卒氏事後
姑孝教孤子以義方乾隆三年題准

旌表

劉氏董魁亮妻年二十二魁亮卒氏事親撫孤
各盡心力晚年子孫相繼殂氏茹苦七十餘年
乾隆三年題准

旌表

張氏馬進舉妻年二十六進舉卒遺腹生子家

貧氏孝事舅姑生養死葬備極拮据撫遺孤成立矢節六十年乾隆三年題准

旌表

顧氏四譯官生梁允義妻允義卒時母老子幼氏奉姑唯謹侍姑病十旬不解帶姑歿喪祭如禮克撫二孤成立五十餘年冰霜益勵乾隆三年題准

旌表

張氏邵天福妻武城縣庠生張盤銘女年二十

五天福卒氏終養舅姑節孝兩盡乾隆三年題准

旌表

齊氏馬忠祿妻年二十而寡遺腹生子氏孝養舅姑撫孤成立守節三十七年乾隆四年題准

旌表

范氏韓章妻年十八章卒家貧氏上事兩世舅姑克盡孝敬守節終身乾隆五年題准

旌表

張氏太學生金楫妻景州中書張芝馨女也年
十九歸楫善事舅姑 子又仁甫六歲氏仰
事俯育備極辛勤並卹族子之孤而無依者後
又仁夫婦繼歿氏以一身任其艱卒年八十有
五乾隆六年題准

旌表

宋氏增生李朝宣妻貢生宋雲龍女年二十七
朝宣卒氏奉姑終養撫遺孤成立入庠卒年五
十有七乾隆六年題准

旌表

盛氏鄱陽縣知縣陳念祖妻年二十八念祖卒
氏上奉舅姑四十餘年撫子廷桂成立娶婦生
孫而廷桂又死與寡媳李氏同撫二孫乾隆六
年題准

旌表

李氏候選州同陳廷桂妻念祖婦也生二子而
廷桂卒氏與姑盛氏相依爲命守節撫孤乾隆
六年題准

旌表

吳氏任含貞妻廩生吳瑜女年二十二含貞卒
氏立嗣守節謹事舅姑姑卧病八年侍奉罔敢
懈乾隆六年題准

旌表

任氏庠生楊昇妻昇卒氏撫前室子如已出教
養成立守節四十餘年乾隆八年題准

旌表

劉氏鄭復莪妻夫亡氏奉姑克孝撫子成立乾

隆八年題准

旌表

高氏楊繼震妻繼震卒氏養姑能曲盡婦道撫
孤成立列膠庠乾隆八年題准

旌表

袁氏庠生宋其樸妻太學生袁印肇女家貧姑
老日夜紡績以相夫年二十四其樸卒奉姑撫

子二十餘年子又死與婦屠氏撫育幼孫乾隆
八年題准

旌表

杜氏太學生李士昌妻夫亡守節乾隆九年題

准

旌表

米氏國子監典簿謝靖妻夫亡守節乾隆九年

題准

旌表

趙氏廩生程彥樹妻夫亡守節乾隆九年題准

旌表

段氏太學生李文明妻夫亡守節乾隆十年題

准

旌表

趙氏太學生楊繼榮妻夫亡守節乾隆十年題

准

旌表

羅氏庠生楊定國妻夫亡守節乾隆十一年題

准

旌表

時氏庠生齊琳妻生子屏畿甫五歲琳卒氏敬
事孀姑撫子成立屏畿中乾隆辛酉科武舉乾
隆十一年題准

旌表

顏氏宿居仁妻夫亡守節四十餘年乾隆十一
年題准

旌表

呂氏庠生趙繼璞妻夫亡守節三十年乾隆十
二年題准

旌表

魏氏庠生呂貞蔚妻陽穀縣訓導魏誠女也年
十六歸呂數年不育即為呂買妾亦無子氏年

二十九貞蔚卒欲以殉翁姑勉諭之乃立伯氏

子淇為嗣幼時撫愛甚篤比長訓課綦嚴年弱

冠入學補廩氏謹事舅姑生死以禮夫姊適劉

者老而貧子又弱養之於家二十餘年為之營

立家室而歸之夫妹適楊者早寡無依養之如

劉歿而葬焉享年九十二卒乾隆十三年題准

旌表

高氏王如愚妻庠生高承先女歸如愚未三載而夫亡氏年十八生遺腹子萬年撫教成立入庠乾隆十三年題准

旌表

趙氏太學生盧道煥妻夫亡守節乾隆十三年

題准

旌表

陳氏封元恒妻鄱陽縣知縣陳念祖女孝事舅

旌表

姑元恒卒撫嗣子成立乾隆二十一年題准

王氏魏章燦妻庠生王家璠女事舅姑孝章燦卒姑患癱疾氏謹侍湯藥十餘年撫遺孤入庠

乾隆二十二年題准

旌表

高氏宋巖妻庠生高承先女巖家貧親老氏常典衣供甘旨并助巖膏火巖卒奉舅姑三十年教子成立乾隆二十二年題准

旌表

劉氏太學生何可劭妻夫亡守節四十餘年乾

隆二十三年題准

旌表

張氏庠生陳恪恭妻夫亡守節三十年乾隆二

十三年題准

旌表

楊氏張振宗妻年二十振宗卒氏撫遺孤大方

成立入庠乾隆二十五年題准

旌表

蕭氏宋瑑妻年十八夫亡守節乾隆二十五年

題准

旌表

李氏趙定家妻年二十二定家卒氏奉事祖姑

及姑曲盡婦道以義方訓嗣子乾隆二十六年

題准

旌表

董氏吳天知妻歲貢生董經女夫亡守節乾隆

二十九年題准

旌表

顧氏石瀚妻太學生顧瀾女侍舅病湯藥維謹
舅歿瀚亦繼卒氏年二十二家甚貧上奉孀姑
下撫嗣子零丁孤苦四十餘年乾隆二十九年
題准

旌表

王氏宋炳妻輝縣主簿王廷梓女炳原籍紹興
父任清河典史寄籍德州廷梓亦會稽籍也氏

幼讀書知大義母病籲天求代子歸炳家事後
始孝夫亡殉節乾隆三十五年題准

旌表

張氏候選州同盧昭曾妻景州舉人張淮女年
十九昭曾卒氏事姑孝撫孤成立婚娶子又死
同婦撫孤孫蔭寬遊庠苦節四十餘年乾隆四
十六年題准

旌表

吳氏李元賁妻年三十五夫亡守節奉姑撫嗣

乾隆五十一年題准

旌表

哈爾親氏鑲黃旗蒙古班第佐領下甲兵弼立

克圖之妻

巴林氏鑲黃旗蒙古明安圖佐領下甲兵漢班

之妻

瓜爾佳氏正黃旗滿洲札克賽佐領下甲兵薩

木哈之妻

納喇氏正黃旗滿洲薩爾禪佐領下領催奎格

之妻

哈與忒氏正黃旗滿洲納得春佐領下甲兵喀

大圖之妻

瓜爾佳氏正黃旗滿洲佛保佐領下閑散偉和

德之妻

吳爾古禪氏正黃旗滿洲保山佐領下閑散阿

蘭泰之妻

戚氏正黃旗滿洲雅圖佐領下甲兵五十之妻

王佳孫氏正黃旗蒙古常安佐領下甲兵賽音

圖之妻

劉家氏鑲黃旗滿洲對秦佐領下閑散侯巴之妻

李家氏鑲黃旗滿洲德新佐領下護軍五十五之妻

俞家氏鑲黃旗滿洲德喜佐領下閑散博爾吞之妻

以上十二人係駐防滿營節孝接次題准

旌表

呂氏魯世德妻十七歲歸呂十九歲世德卒無子女氏苦節四十餘年卒年六十有六

謝氏趙執經妻州同謝毅女年十八歸趙越五

載夫亡長子汲次子滂俱幼氏欲殉翁姑諭之

曰汝夫已死汝再死吾二人亦不得生矣且如

幼子何氏乃紡績以仰事俯育翁姑之喪力營

葬事課子以勤學少懈卽泣責曰吾之不死以

汝等未成名也汝不勤讀吾不欲生後二子俱

八庠卒年五十

李氏李溶妻溶卒時氏年二十一生子僅九月耳家無產苦節教子四十餘年卒年六十有二閔氏依杰妻年二十六杰卒子文純尚幼舅姑皆老氏奉老撫孤孝慈備至卒年七十有一馬氏盧春茂妻年二十一春茂卒子雨來纔一歲踰年舅歿姑年逾六旬老而無依氏孝奉孀姑撫育孤子歷盡艱難卒年五十八韓氏夏彥興妻年二十一彥興卒生子甫一歲苦節七十餘年卒年九十有四

孫氏林大檜妻年二十八而寡子霖零尚幼翁姑老病氏克代子職孝養備至治家勤儉教子以敦厚爲主鄉人稱之卒年八十有七

馬氏李允燮妻馬思卜女年二十六而寡子未及週氏織紝以奉舅姑生養死葬無不中禮卒年七十有五

李氏龐景尼繼妻十八歲適尼僅七十日而尼平時上有翁姑皆八旬餘下有前室女六歲胞姪鎮十餘歲而孤氏矢志以養老撫幼自任後

爲鎮娶室嫁前室女翁壽九十餘爲捐八品農官以榮其身又爲鎮再娶池氏以爲已媳生子繼夫後翁姑之喪殯葬盡禮卒年四十九歲三十年間使龐氏老有所終幼有所長皆氏一人力也

劉氏趙國徵妻年二十四而寡無子翁姑在堂氏矢節孝養殯葬卒年五十八歲

劉氏鄭文洙妻年二十七而寡孝事翁姑教子學孟成立孫憲章亦遊庠苦節五十年

張氏趙袞妻張桓女也陳氏趙雍妻陳鴻文女也先後適趙爲妯娌同事舅姑各得歡心閨門之內無間言袞好讀書積勞成病病革語張氏曰汝年少無子家且貧我死能爲我事父母乎張泣應曰事父母是分內事且感君勤學未就當立志守節以俟弟雍生子爲嗣豈終無子乎妾必勗嗣子讀書以成君志袞卒氏年十九歲後數年雍又卒雍妻陳氏年二十四遺腹生子名振張氏絕口不及立嗣之議族婦私謂之曰

汝忘對汝夫臨終之言乎張氏曰非忘也我固欲無子而有子又胡忍弟婦有子而無子耶乃擇夫族弟守經次子光岳嗣袞後於是張氏撫嗣子陳氏撫遺腹子紡績課讀克振家聲振又早亡陳氏復撫二孫成立張氏苦節四十年卒年五十有八陳氏苦節五十餘年卒年七十有七

顧氏劉從政妻庠生顧云貞女十七歲于歸至二十三歲從政卒子同春甫五齡氏矢節撫孤

率老婢紡績事翁姑口授同春經書十三歲入庠十七歲食餼以歲貢任冠縣訓導氏卒年五十有七

萬氏劉申安妻吳橋庠生萬福來女也年二十七而寡子百宜方八歲舅姑早歿祖姑馬氏在堂年已七十餘矣氏曲意承志不使垂白老親內傷厥心馬氏壽至九十一歲而終氏又能教子百宜弱冠入庠氏守節三十年卒族黨交稱之

趙氏蓋希正妻庠生趙佩女年二十二而寡有遺腹越三月生子英華翁姑皆老氏克代子職孝養備至翁姑歿喪葬以禮并舉太翁姑之未葬者安窀窆焉姪重華三月失恃氏撫若已子乳哺襁褓珍愛有加稍長延師課讀子姪無岐視英華重華相繼有聲黌序族黨將爲請旌氏正色曰義所當然豈爲名乎何敢妄邀旌典事乃止卒年五十有三

席氏苗萃華妻庠生席珍次女年十六歸苗性

端莊寡言笑事翁姑以孝稱年二十四而寡氏躬承色養二老均以壽終子紹清元三當夫卒時紹清甫六歲元三在襁褓辛勤撫育長卽延師訓課又以治外無人命長子務農業謀生理次子早年入學補廩氏一生好善不倦最重敦睦族有老嫠婦貧無依氏延之家生則衣食之歿則棺殮掩埋之遠族子乞食鄰村招至家命元三教之讀長爲娶婦置田二十畝并與之宅以居焉戚宋姓耿姓失怙恃俱撫養成立家室

田宅概從優給壽至八十餘歲而終

孫氏趙瑤妻年二十而寡無子立族子君安君

重爲嗣事翁姑孝謹里人稱之勤紡績衣食所

餘喜周貧之卒年六十有八

王氏宋伯祿妻十九于歸二十六歲夫亡苦節

垂四十年而卒

陳氏李志信妻年十七歸李十九歲志信卒遺

孤子珩氏矢志守節五十餘年

夏氏李玘妻二十而寡子維屏又以家貧外出

氏獨居苦守垂五十年

楊氏王新博妻年二十八夫亡遺子二孀姑在

堂氏勤紡績以膳姑兼耕讀以教子長子萊務

農力穡次子莪早歲遊庠志矢冰霜譽滿鄉里

卒年五十有二

王氏劉臺安妻吳橋王皞如女年二十二臺安

卒氏以親老子幼茹痛延生孝慈兼盡子百齡

庠生學使者黃登賢表其門卒年七十

鄭氏增廣生魏山妻庠生鄭銓女夫亡矢節撫

孤教以成立子淑桐入泮學使者表其門

秦氏張甸妻年十八甸卒奉舅姑以孝撫遺腹

子維清成立維清又早亡婦韓氏亦矢節苦守

學使者表其門

席氏苗進亨妻夫卒事舅姑孝苦節五十餘年

子孫俱成立遊庠學使者表其門

李氏邵某妻年二十夫晨出採樵有強暴突入

氏室氏以剪刀自刺死士大夫各為詩歌弔之

黎氏欽天監官學生陳植厚妻夫亡無子守節

六十年

吳氏楊璞妻庠生吳克敬妻夫亡守節茶蘖自

甘

張氏進士孫于盤妻景州宦家女也年十八于

歸禮宗是式婦道甚修翁峩山先生每嘆以為

得賢婦姑張恭人喪盡哀盡禮進士省親京邸

氏侍所生姑辛太君唯謹進士異母弟子宣幼

失恃氏分撫之愛養周學峩山先生致政歸進

士館浙中晨夕視甘旨也進士欲以

所受全產讓叔父氏力...而進士需次
 都門遭地震之變計...以身殉峩山
 先生止之時長子芳...四歲耳氏水
 操整肅盡心訓子...為名諸生尊亦偶
 儻有志略峩山先生之喪氏命芳質負郭田以
 襄大事守節三十餘年而卒

楊氏梁惟寅妻年二十二夫亡撫遺腹子成立
 守節三十餘年

李氏羅德潤妻夫亡孝事祖姑教子金簡遊庠

食餼守節四十餘年

呂氏陳儔妻夫亡撫孤守節五十餘年

劉氏陳懿典妻儔婦也夫亡事孀姑教二子挺

梓皆入庠守節五十餘年

吳氏李雍熙妻年二十一夫亡無子事翁姑以

孝聞矢節終身未二嗣也姪廩生李成均祀之

於家

賈氏庠生封元成妻年二十三而寡撫孤景碩

入學守節三十餘年

邱氏程先業妻州同邱燦女先業早卒氏奉姑
撫孤矢節五十年

劉氏李映墀妻州同劉鳳章女年二十二映墀
卒子錕生未逾月氏上事翁姑下撫孤子錕入
學補廩氏矢節三十餘年

王氏張顯曾妻夫亡奉姑撫子守節三十年

曾氏魏大桐妻年二十二夫亡守節三十餘年

呂氏馮炎妻州同呂貞蕙女炎卒奉姑盡孝撫
前室子成立補廩守節五十餘年

王氏庠生丁然妻年二十四然卒奉翁姑撫孤
子呈秀成立呈秀又死撫孤孫大成成立守節
四十年

于氏舉人李檉妾年二十三檉卒有子賓燕撫
而教之獲補廩守節三十餘年

高氏張需妻庠生高企林女年二十二夫卒事
舅姑撫孤子守節六十年

王氏田應宸妻年十九應宸卒事孀姑立嗣子
廷梅教養兼至廷梅爲庠生矢節三十餘年

蕭氏韓子實妻夫亡守節卒年七十餘

蘇氏金維藩妻年二十三夫亡養姑守節三十餘年

李氏趙秀儒妻夫亡撫孤守節五十餘年

張氏廩生趙璣妻夫亡撫二子成立守節五十餘年

孫氏趙度妻夫亡無子苦節三十餘年

于氏陸際隆妻年二十三際隆卒撫孤守節五十年

陳氏陸直妻直卒爲夫立嗣守節四十年

張氏張利文妻年二十四夫亡守節四十餘年

陳氏孫作衡妻年二十二而寡撫孤守節三十餘年

張氏田守智妻年十八夫死無子立嗣守節五十年

周氏王永瓚妻年十九夫亡守節五十餘年

羅氏劉德著妻年二十一夫亡撫孤苦節三十餘年

胡氏魯學望妻年二十八夫死非命氏為鳴冤

撫孤守節四十餘年

李氏楊毓璋妻年二十七毓璋卒立嗣守節四

十年

崔氏趙彬妻年十九夫亡無子苦節五十年

林氏李進寶妻年十九夫亡撫孤守節四十年

宋氏張某妻年十八張卒立嗣守節七十餘年

劉氏劉有章妻年十九夫亡遺孤守節尚幼氏孝

事翁姑撫子成立守中雍正丙午科武舉人氏

守節四十餘年

許氏庠生李大盛妻年二十六夫卒立嗣氏奉

姑撫子守節五十年

于氏劉恫妻年二十五恫卒立嗣守節五十餘

年

李氏趙福妻年二十二福卒守節五十餘年

吳氏高進學妻年二十八而寡氏奉舅姑撫嗣

子守節五十餘年

季氏齊河農家女也適武義縣知縣孫于宣為

繼室孫之官氏以母老多病不時歸寧未隨任
及聞夫病星夜往省至則病已篤孫卒氏欲以
身殉左右防護甚少懈氏遂自經

劉氏趙貴正妻年二十四夫亡無子苦節三十
年

董氏張邁妻年二十三適卒無子苦節四十餘
年

國氏歲貢生尹始盼妾年二十九尹卒氏生子
鎰撫之成立守節六十餘年

秘氏太學生程慧妻年二十三慧卒

姑守節五十年

張氏程子琳妻年二十九

董氏王國賓妻年二十三重卒氏養姑教子守

節三十年

劉氏張起邠妻夫亡氏奉姑撫子守節餘五十

年

張氏梁進福妻年二十進福卒氏奉舅姑撫孤

柴玉成立守節五十餘年

陳氏胡子正妻年二十二夫亡撫孤守節六十年

朱氏范純孝妻年二十四夫亡撫孤守節四十餘年

焦氏范煦妻年二十三夫亡撫孤守節六十年
夏氏李樾妻年二十夫亡奉翁姑守節五十年
齊氏處士齊珍第六女年十歲許配廩生呂之遴之子金符年十七金符病卒氏聞訃一慟幾絕水漿不入口乘間自經者三自刎者二俱賴

姊妹救之得不死屢懇歸呂氏守志泣語父曰
父愛女使爲呂生婦不愛女必爲齊死女矣乃
告知呂氏呂以素車來迎入呂門謁夫匱拜舅
姑廟見皆如禮勤慎溫懿不苟言笑姑多病謹
侍湯藥無倦容後姑疾篤氏亦病甚不可風衆
恐重氏病匿弗告氏察知躍起曰焉有姑婦死
生在一息頃而不使面訣者遂匍匐視姑姑握
氏手而逝翁嘗病疫三月不起氏謹侍湯藥一
如事姑夜則俟寢門外聞呻吟聲卽調茗粥以

進翁常語人曰吾痛吾子不忍見吾婦吾見吾婦不復憶吾子也呂故業儒養殮或不繼州人協謀置義田為氏養贍資氏堅辭不受惟受其叔太翁呂淇所周粟以餬其口餘皆取給於女紅族黨戚里之欲訓其女者必求見氏聆其片言以服膺弗失稱為上女師氏謝曰吾不敢以節為名也完貞守志數十年如一日

何氏庠生陳梓妻夫亡事孀姑撫嗣子守節垂五十年

李氏程斌妻年二十一斌卒撫子成立矢節六十餘年

楊氏太學生金柎妾年二十九金卒氏無子誓不他適守主家以終

尹氏呂沂妻夫卒撫孤成立矢節垂五十年

韓氏葉志仁妻志仁早卒氏守節撫孤者四十年

田氏貢生封元履妻繼金儀衛經歷田中儀女年二十八夫亡事姑孝教子光碩入太學庶子華

徐州志一
彭爲庠生守節三十餘年管氏元履妾相依守
節無間言

康氏李含章妻夫亡奉姑撫子三十餘年

吳氏羅廷杰妻庠生吳敦鉅女夫亡事舅姑撫
三子成立守節三十餘年

李氏庠生趙侃妻年二十一侃卒事舅姑撫子
守節三十年

李氏趙善植妻年二十善植卒氏奉舅撫孤及
舅歿代撫舅庶子誠植成立爲庠生矢節三十

餘年

吳氏李鏞妻庠生吳克仁女年二十鏞卒無子

氏歸母家守節垂五十年

孫氏宋汝英妻夫亡善事舅姑撫孤廣恩成立

矢節三十餘年

李氏宋中禮妻年二十四夫亡事舅姑撫孤子

長慶成立守節六十年

吳氏楊璞妻庠生吳克敬女年二十四夫亡事

孀姑撫遺孤幼孫守節四十餘年

陳氏魏均妻夫亡養舅姑撫嗣子守節四十年

趙氏魏鉅妻年二十四夫亡守節垂四十年

陳氏拔貢生金檢妾年十九金卒嫡張氏相繼

卒氏代撫嫡子昭藩成立守節垂四十年

趙氏張璞妻年二十四夫亡守節垂五十年

方氏劉五妻夫亡守節五十年

王氏曲周妻年二十九夫亡守節三十餘年

申氏劉國楨妻年二十九而寡婦郭氏年二十

七而寡孫婦紀氏年二十六而寡申氏苦節六

十餘年郭氏苦節四十年紀氏苦節四十餘年

一門三節鄉里欽之

王氏苗志奇妻年二十四夫亡守節垂五十年

宋氏孫文科妻年二十八夫亡撫孤守節三十

餘年

甘氏曲子直妻年三十夫亡撫嗣守節五十餘

年

劉氏張信妻年二十九夫亡撫嗣守節垂六十

年

方氏張利行妻年二十九夫亡撫孤守節四十餘年

楊氏崔西還繼妻嫁未久西還卒氏撫前室子守節六十年

王氏馮書妻年十九書卒撫嗣守節垂六十年

劉氏鄭篋妻年十七夫亡無子矢志苦節四十餘年

任氏庠生羅殿選妻年二十四殿選卒撫孤守

節三十餘年

趙氏王法孔妻年二十九夫亡事姑撫子守節

三十餘年

劉氏宋化妻年二十八夫亡守節三十年

張氏翟希聖妻年二十四夫亡無子立彩章為

嗣教之成立入庠守節五十餘年

博氏庠生張景虞妻年二十四夫亡敬奉翁姑

撫孤守節五十年

魯氏李璜妻年二十五璜卒撫孤守節四十餘

年九月李氏... 二十五歲卒... 守節四十餘年

張氏王四妻年二十八夫亡撫孤守節垂六十

年九月李氏... 二十四夫亡... 守節餘四

蘇氏盧興業妻年二十七夫亡無子守節餘四

十年... 二十四夫亡... 守節餘四

張氏李元璣妻年二十二夫亡守節四十餘年

胡氏楊六經妻年二十四夫亡守節四十餘年

孫氏梁傑士妻年二十四夫亡守節垂五十年

申氏梁楹妻年十八夫亡守節三十餘年

李氏張翎妻年二十四夫亡守節四十餘年

賀氏黃名世妻年二十五夫亡撫嗣孫守節垂

四十年

錢氏庫吉妻年二十六夫亡無子苦節四十餘

年

李氏楊臣弼妻年二十六夫亡無子苦節三十

餘年

白氏張文伸妻年三十夫亡撫孤守節垂四十

年

李氏高克敏妻年二十二夫亡無子傾貲為舅
納妾生二子氏勤苦佐養守節三十餘年

宋氏梁四妻年二十九夫亡守節垂四十年

馬氏徐義妻年二十八夫亡撫孤守節三十餘

年

李氏郝耿光妻年二十五夫亡立嗣奉姑守節

三十餘年

劉氏孫進友妻年二十九夫亡立嗣守節三十

餘年

趙氏孫玉妻年二十四夫亡守節垂四十年

江氏孫建妻年二十七夫亡守節三十餘年

李氏鄭光先妻年十八夫亡立嗣守節五十餘

年

王氏張伸妻年二十九夫亡生遺腹子撫之成

立守節三十年

韓氏龔祿妻年三十夫亡生遺腹子撫之成立

守節四十餘年

王氏牟宗室妻年二十七夫亡無子苦節三十

年

劉氏高財旺妻年二十二夫亡守節五十餘年

劉氏王書妻年二十九夫亡立嗣守節三十餘

年

艾氏孫某妻年二十五夫亡撫孤守節垂六十

年

賈氏何文靜妻年二十四夫亡撫孤守節三十

餘年

劉氏宋三妻年二十二夫亡撫孤守節垂六十

年

劉氏王記妻年二十七夫亡撫孤守節四十餘

年

李氏王亭妻年十八夫亡立嗣守節三十年

趙氏陳國吉妻年二十二夫亡守節垂四十年

安氏雷其盛妻年二十七夫亡守節四十餘年

井氏王宗文妻年二十一夫亡守節三十餘年

劉氏王可立妻年二十六夫亡守節四十餘年

張氏李大成妻年二十四夫亡守節七十年

龐氏武生李友程妻年二十二夫亡無子立嗣
守節孝養孀姑喪祭以禮鄉里稱之

潘氏劉廷周妻年二十四夫亡守節垂六十年

李氏劉胥妻年二十夫亡無子苦節四十餘年

張氏滿財妻年十九夫亡守節五十餘年

郭氏王守祿妻年二十七夫亡守節四十年

金氏李彥妻年二十八夫亡守節垂六十年

李氏李天成妻年二十九夫亡守節五十餘年

劉氏李天名妻年二十五夫亡無子苦節垂五

十年

丁氏李克書妻年二十六夫亡無子苦節五十

餘年

劉氏李天道妻年三十夫亡守節三十餘年

史氏薛儒妻年二十二夫亡無子苦節四十餘

年

牟氏劉名忠妻年十六夫亡佐舅姑撫夫弟信

成立立嗣子維城守節四十餘年

池氏劉純孝妻年二十二夫亡守節五十餘年

申氏門子龍妻年二十八夫亡守節三十年

耿氏戚子淳妻年十七夫亡守節五十餘年

齊氏戚子珍妻年十八夫亡守節三十餘年

杜氏齊三妻年二十夫亡立嗣守節四十餘年

孟氏張學詩妻年二十四夫亡撫子成立子又

亡撫孫成立守節四十餘年

傅氏張捷元妻年二十二夫亡無子苦節三十

餘年

吉氏陳儀妻年十九夫亡立嗣奉姑守節六十

年嗣子振東庠生

孫氏崔士信妻年二十五夫亡守節三十年

章氏王守先妻年二十五夫亡守節三十餘年

魏氏張世勉妻年十九夫亡守節六十餘年

閻氏張煥之妻年二十三夫亡撫孤成立子婦

又繼亡撫孫龍甲入庠守節七十餘年

紀氏申盡忠妻年二十七夫亡撫孤守節垂四

十年

甘氏王伯寬妻年二十九夫亡撫孤守節三十

餘年

秦氏劉德妻年二十八夫亡守節三十餘年

張氏依炳妻年二十七夫亡無子苦節三十年

張氏李士則妻年二十九夫亡守節五十餘年

章氏張珍妻年二十夫亡守節三十餘年

李氏武生鄒大勇妻年二十五夫亡無子苦節

五十年

何氏程文彬妻年二十八夫亡無子苦節三十

餘年

李氏張崑璧妻年二十七夫亡撫孤守節四十

餘年

張氏梁紫玉妻年二十四夫亡無子苦節六十

餘年

夏氏周進有妻年二十九夫亡無子苦節三十

餘年

李氏張可舉妻年二十八夫亡撫孤守節四十

餘年

馬氏宋珍妻年二十四夫亡守節五十餘年

劉氏陳國彥妻年二十八夫亡守節三十餘年
孫氏王守勤妻年二十四夫亡守節三十餘年
屠氏白進祿妻年二十八夫亡無子苦節三十
餘年

趙氏胡崇五妻年二十二夫亡無子苦節三十
餘年

劉氏鄭某妻鄭本望族家素封氏早寡矢志守
節家竟中落朝不謀夕氏率婢晝夜勤女紅食
糠覈衣鶉結米霜益勵鄉里難之

李氏高克敏妻夫卒無子族姓又無可嗣乃以
李氏子爲後名朗氏謹事翁姑恩撫螟蛉生平
不苟言笑節凜冰霜里中稱賢婦焉

曹氏溫其慧妻慧係進士溫泮元孫欲紹先業
苦志讀書乃小試屢困發憤成疾疾革以氏年
少無子不勝顧慮氏泣曰君死從死吾志決矣
慧領之越日慧暈絕氏撫哭畢投井死家人未
之知也少頃慧復甦問氏安在尋之乃得其蒙
袂投井狀慧哭之哀曰死矣乃爲吾家婦以自

所脩棺殮之時乾隆三十年乙酉八月二十九日也越十日慧卒

王氏任立財妻早寡無子家極貧翁又歿於他鄉與姑于氏相依爲命共勵清操姑生養死葬惟氏是賴焉現年八十有奇

李氏鄭文瀾妻年二十三歲夫亡生遺腹子學魁苦節五十餘年現年七十四歲孫連章已遊庠矣

陳氏劉雲妻年二十九歲雲卒子五歲上有翁

姑并大翁姑俱在堂翁攜姑授徒外村太翁以手足不仁卧牀氏朝夕省視一切飲食起居善體太翁意澣衣滌器莫不勞其心而親其事太翁歿太姑亦老病氏食必同案寢必並頭大有唐氏乳姑風太姑歿事翁姑亦如之現年七十有四

王氏張繼高妻年二十二而寡生子進甫週歲翁姑皆老氏矢志苦守奉老撫孤翁姑歿喪塋竭力鄰里稱之現年七十有三

史氏張勳妻張氏張勳妻妯娌也勳年二十八而死史氏生二女無子立勳伯兄子繼禹爲嗣事親撫孤現年七十八歲勳年二十三歲與兄勳相繼死張氏生一女無子姑勸之改適氏誓死不嫁願養親終身姑感其義令撫勳兄子繼武爲子現年七十一歲

周氏趙可仕妻廩生周作楫次女未笄通禮義年十七子歸薄田數畝薪米不給竭力佐養相夫八年生子二而可仕卒家益窘翁姑衣食悉

出女紅後六年翁姑旣歿長子又殤氏悲慟號泣艱辛備嘗乾隆八年歲飢藜藿充食隔日一舉火人諷以他適毅然曰人生當有禮失節詎可爲自此益堅冰操居矮屋一椽食麤衣惡勞勳終身有人不能堪者嘗自口誦云夫雖亡是我家兒雖小可漸大守我堅節不再嫁瞑目舒心黃泉下現年七十歲

韓氏龔祿妻十九歲夫死守志撫孤現年六十有九

呂氏任士直妻廩生呂之遴妹也歸士直年二十二而寡無子矢志苦節現年六十有七

高氏趙丕宗妻丕宗庠生秉恕子也氏年十八適丕宗家素寒秉恕以能文不遇感心疾發卽狂走如癩癩狀丕宗又以父病驚悸得迷悶之症氏所以奉侍者况瘁特甚丕宗病革子智升纔襁褓耳丕宗以父母幼子爲託氏諾之丕宗卒從丕宗治命不敢以殉事病翁無懈色翁歿毀其奩以養姑佐以女紅甘旨無缺小姑旣嫁

壻外出無倚氏恐姑之不樂也先意迎之歸與姑同飲食居處二十餘年如一日并代嫁其女課智升慈而嚴入庠後猶以親正人端品行爲訓姑現年八十二歲氏現年六十六歲姑常語人曰得婦如此吾忘吾老矣傳曰送往事居耦俱無猜氏其無忝與

郝李氏年二十而嫁夫卽亡人諷以改適喟然曰人之勸我改適者以無嗣而早寡也豈知天正所以勵吾節吾縱無以爲郝氏光寧忍辱及

李氏家門耶立嗣守節日夜紡績不輟子孫衣食賴以饒裕今年六十餘勤儉終不懈
王氏張國榮妻十八歲適榮二十一歲榮卒無子女姑年六旬日夕悲泣慮媳嫁之無依也氏知其意許以終養三年服闋氏母諷氏易節氏不可母強之氏誓死不許母女不通往來者數年姑老而益健氏紡織自任事姑不怠姑壽終氏年已四十餘矣謀爲夫立後嗣族兄張朝立之次子鄰里以氏之賢也名嗣子曰繼賢繼賢

生子二俱務農爲業氏今六旬有奇勤儉猶昔也

弓氏盧誥妻進士呂東表女也年十九于歸生子蔭寬年二十四而寡事孀姑撫孤子矢志冰霜三十年如一日子職父道兼盡無遺現年五十九歲

鄧氏臧治平妻年二十七夫亡止遺一女家極貧氏矢志守節紡績織紵奉養舅姑女長贅壻文基承臧祀現年五十七歲

申氏張綸妻年二十三而寡綸病時嘗翦髮默
禱於神願以身代綸死一慟幾絕翁姑泣謂曰
獨不係戀吾老人耶勉進水漿孝事兩世莫不
盡心竭力生一女無子歸寧母家父母欲奪其
志氏憤慟不食遣還夫家絕迹不往撫姪大法
爲嗣娶媳王氏大法又早世王改適遺一幼孫
氏熒熒孤嫠撫養鞠育獨支艱苦鄉里憐之現
年五十五歲

王氏趙大信妻信卒氏年二十四生一女無子

翁姑皆卧病氏敬進肯甘代爲七箸翁姑咸歎
曰微是婦吾幾弗能食而死矣後翁姑歿喪葬
皆如禮撫姪龍標爲嗣現年五十五歲

劉氏張芳妻十八歲適張二十二歲生子雁鳴
甫三月而芳卒既無期功強近之親復無恒產
衣食之藉六旬老姑百日幼子仰事俯育艱苦
備嘗現年五十五歲

張氏葉永綸妻儒家女也綸家甚貧遠出拾麥
病死於外氏時年二十四生子偉方六歲舅姑

皆老哭子益憊氏慰曰有婦在即可送二老終
矣生養死葬莫不以禮偉亦成立現年五十有

四

胡氏王基妻庠生胡龍飛女年二十歸基越五
年夫亡無子氏以姑老無依立嗣子常爲後上
奉孀姑下撫幼子家貧賴織紡以給姑歿盡禮
教常成名現年五十有三

李氏張杉妻庠生李廷瑭女杉娶氏數月而杉
病氏謹侍湯藥衣不解帶越歲杉卒氏年十九

誓以身殉翁姑力勸止之事翁姑能得歡心姑
歿哀毀盡禮撫姪雲路爲嗣教以義方家政井

井現年五十有一

顧氏劉萬福妻二十一歲福亡撫子維新矢志

苦守今維新爲庠生氏年五十一

范氏李詩妻武孝廉范純禮女也年十七歸詩

三載而詩卒無子女詩病亟時以親老弟幼自

泣氏謂詩曰君死從死吾之分也君以親老弟

幼無人奉養爲憂請終身孝事雙親以代君職

詩曰能如是庶報親恩於萬一耳詩卒後凡舅
 姑飲食必親烹之衣服必手紉之命令必和承
 之如是者十餘年親歿喪葬大事無不敬謹周
 至以夫弟諱長子維寧為嗣現年五十有一
 扎庫塔氏正黃旗滿洲什德佐領下甲兵五章
 河之妻

李氏鑲黃旗蒙古增祿佐領下甲兵額爾吉代
 之妻

爾濟爾氏鑲黃旗蒙古班第佐領下甲兵額倫

泰之妻

李氏鑲黃旗蒙古吉伏佐領下甲兵二達子之
 妻

納木都魯氏鑲黃旗滿洲德成額佐領下甲兵
 吉陵阿之妻

福察氏鑲黃旗滿洲福永佐領下甲兵薩爾泰
 之妻

哈爾哈詩氏鑲黃旗滿洲淑昌佐領下甲兵五
 立納之妻

尹氏鑲黃旗滿洲果柱佐領下甲兵明德之妻
李車氏鑲黃旗滿洲海寧佐領下甲兵福明之妻

蘇木爾氏鑲黃旗滿洲亭安佈佐領下甲兵色克進之妻

薩克答氏鑲黃旗蒙古福祿佐領下甲兵素爾忝之妻

塔他李氏鑲黃旗滿洲俊德佐領下甲兵素倫太之妻

葛氏正黃旗蒙古萬舒佐領下甲兵費陞額之妻

尼沙爾氏正黃旗蒙古三濟札布佐領下甲兵恒忝之妻

寧古塔氏鑲黃旗滿洲喜通阿佐領下甲兵富爾吞之妻

巴岳特氏鑲黃旗滿洲公海蘭察佐領下甲兵富祿之妻

以上十六人均經給匾嘉獎

他他拉氏鑲黃旗滿洲固山虎牛录披甲了頭之妻

寧武托氏鑲黃旗滿洲固山虎牛录披甲薩可信之妻

克西忒氏鑲黃旗蒙古固山明我圖牛录披甲白思哈之妻

巴倫氏鑲黃旗蒙古固山明我圖牛录披甲趙忒八之妻

景哈拉氏正黃旗滿洲固山騷達子牛录蘇喇

薩爾太之妻

他他拉氏正黃旗滿洲固山押圖牛录撥什庫

因答戶氣之妻

那拉氏正黃旗滿洲固山薩爾纏牛录撥什庫

魁哥之妻

周氏正黃旗滿洲固山趙太牛录披甲卜倫太

之妻

孤哇爾加氏正黃旗滿洲固山趙太牛录披甲

薩太哈之妻

李氏正黃旂蒙古固山住牛录披甲多紀之妻
趙氏正黃旂蒙古固山札木蘇牛录披甲奈門
之妻

王氏正黃旂蒙古固山集牛录披甲三音圖妻
解氏周國璞妻年二十歲生子岩甫十二日國
璞卒氏代子職孝事翁姑撫子成人現得孫十
一歲克持家務苦節三十餘年

于氏索國柄妻年二十六國柄卒無子氏撫嗣
子九德成立矢節奉翁姑克代子職現年八十

一歲

陳氏紀維垣妻年二十七夫亡守節撫孤子昌
祚成立現年六十九歲

黃氏許維妻年二十四夫卒無子止遺一女謹
事翁姑年三十翁姑卒喪葬畢身無依乃就叔
翁庠生許璉以居事璉夫婦如事翁姑里黨稱

孝無間言

苗氏尹亮妻年二十二亮卒有遺腹越五月生
子守化撫養成立現年七十八歲孫曾繞膝家

亦小康初氏適尹苦貧夫死無棺懇夫兄尹成
 賞諸肆後因棺價未償譖於姑王氏欲改嫁氏
 以償棺價氏哀懇告留願紡績織席漸次償還
 又恐不得請因避歸母家自炊操作晝夜辛苦
 償畢攜子歸尹事姑益加孝敬姑頗感悔云
 張氏馬冲魁妻夫亡守志撫孤成立寒霜矢節
 既終其身

德州志卷十一

叢記 古蹟 祠廟 冢墓 園亭 物產

叢記者由前十卷而推廣及之者也十卷識其
 大者叢記識其小者推沿革河渠紀事疆域政
 事而記古蹟推建置宦蹟人物節孝而記祠廟
 冢墓園亭推田賦而記物產或互相發明或補
 所未備俾仕于斯生于斯者有所稽考有所觀
 感於政治風俗不無小補云

風吹煙燭風沙不無小礙云

浪木辭幹公于政于平濤客林風許亦有微勝

宗基開學

年而野古觀

大嘗遊

崇山

雜賦

德州志卷十一

古蹟

黑龍潭 白龍潭 在德州東南土河中蕭侍讀

龍泉寺記云寺去予雲莊二里許以在兩潭之

間故名歲旱禱雨有驗

九龍口 在城東南篤馬河西岸分出三支一在

平原董路口一在德州李家廟一在大馮家莊

三支皆西北流同會為一謂之九龍口又謂之

九龍窩

月河 城西北在運河之西堤長里許知州馬明

瑞作開舊跡也

陳公堤 見紀事自西南蜿蜒而來繞東北而去

近城或三五里七八里不等

董子讀書臺 在州學內正統間知州韋景元掘

地得石刻詢其故址復焉石白如玉字畫尤勁

蓋隋碑也萬歷間移西門外

十二連城 見紀事

化龍池 在督糧道署中

雁塔 在城東南隅上萬歷中脩城時建塔凡三

層腹開如屋壁上納石鑄甲乙科姓名彷彿慈

恩之遺康熙中重脩復納二石以續之

振河閣 在西城之上亦萬歷中脩城時建飛樓

翼然俯瞰衛水登高眺遠為一州勝地

廣川橋 即浮橋也亦名德州橋王元美詩云春

風綠遍德州橋即此

北海子 在城內東北隅地形窪下秋水時至居

人於中元節為盂蘭會程正夫詩云屯氏猶然

是舊河一灣古水不揚波自注云御河一灣截

入州城內

將軍寨 洪武元年閏七月常遇春克德州大將

軍徐達會兵於此因名將軍寨

陽塢 河北為陽營居為塢至正十八年丞相也

速屯兵於陽塢為副營其屯兵大營今名丞相

營

王紀口 宋史鄭驤傳德州河決入王紀口今俗

訛為王家口

徽王庄 天順元年賜王子見沛田在州境名徽

王庄 成化三年徽王就封均州仍乞德州田王

恕力爭乃歸諸民而庄名仍舊

迴龍壩 在大西門外萬歷四十年署知州孫森

築見紀事

李公堤 在小西門外康熙五十七年巡撫李樹

德築見紀事

以上十七條現存

屯氏河 篤馬河 永濟渠 古黃河 並見河

渠

白橋 唐時御河內橋梁最多自漕北運俱廢

小胡城 唐王承宗私置屯兵護白橋者後旋毀

乾隆四十八年南關外米市角西路南陳姓脩造房屋掘地得磚磚盡而地道見東西如門地道北斜入門行數十步風滅燭不敢進以土填之按承宗抗拒朝命於南宮縣私置固城鴟城於長河縣私置小胡城專爲屯兵計於地上磚砌甬道覆之以土望之宛然土城敵弱則登陴守護而敵不能入敵強則自地潛行而敵不見

人敵入其城則夜從地道攻其無備敵逕渡橋則又從地道襲其後軍元和十一年程權屢敗承宗而終不能渡白橋者職此之故自承宗入東光斷白橋路小胡城以無用而廢茲掘出地道東西皆北斜乃小胡城南面也其東西北三面則開河築堤於宋脩城浚隍於明毀壞者多矣故無全城遺址

皇殿 在城西河上明永樂中車駕往來駐此舊在河西岸雍正十二年河徙出河東岸今廢

廣川樓 雙梧亭 銀安殿 在城南驛中明洪

熙元年太子駐蹕之所今廢

兵器庫 在儒學西久閉不啟流寇之變偽官入

庫銷兵於隅間得物高二尺許如老翁狀具體

而微屈左足長跪左手垂而拳右足履地右肘

加膝而手承頤鬚髮皓白攢眉閉目作愁苦容

瘦硬乾枯不知何質入夜雷雨亡去鐵匠局即

附近庫均廢

醇儒書院 在城西門外知州馬明瑞移董子祠

於此名醇儒書院康熙中督糧道朱廷楨即故

址築亭種樹為觴詠之所名曰柳湖時延文士

校藝其中亦一時盛事今廢

崇仁書院 在東嶽廟後程尙書紹建知州馬明

瑞嘗課士於此今廢

董顏書院 在城內田侍郎雯建今廢

漢鬲縣城 魏鬲縣城 隋繹幕縣城 見沿革

長河鎮 見沿革

金將陵倉 元陵州倉 見建置

落星坡 見紀事在城東董家閣乾隆三十年廩
生張鈞埋星石立文昌閣

陵州鐘鼓樓 元秦政立州治未建城郭治前有

鐘鼓樓有事則鐘鼓齊鳴軍士咸集明立守禦

所移鼓樓於千戶所前州治移入衛城移鐘樓

於州署前順治間裁指揮等官鼓歲久敝拆樓

脩守脩署乾隆五十二年改鐘樓為大門鐘移

行宮內上鑄有至元年號

明儒學倉

附常豐倉內

倉無斗級以門子代之故俗呼齋夫為門斗

方山 即長河故城址見沿革

稅課局

在稅務街嘉靖七年大使趙得賢建康

熙三年裁

惠民藥局

在南關太僕寺前

遞運所

在小鍋市東隆慶四年裁

唐營

稅務街外東南崇禎九年總兵唐通屯兵

於此

老虎倉

指揮王鏊墓因論祭有石虎曾立倉於

此故名後毀倉為京通倉改名白沿

半邊店 在中心角南成化前大路俱由此

以上二十二條久湮

鬲津河 查鬲津由阜城北過連窩遶東光南皮東境自蔡家窪北流入天津與此地無涉按州境河渠多宋代黃河故道後人附以九河舊名不足信也

鉤盤河 金史云將陵有鉤盤河查鉤盤在南皮境內宋陳堯佐築堤開支河分導水勢自果子李庄西流至堤根又附堤北流金分將陵北半

立吳橋縣又改河流折而東又東北入溝店舖其曲形如鉤因加以舊名是宜正其名曰金鉤

盤河

鬲海 御河西有沙河即唐書之高雞泊俗呼高海後人謬稱鬲海摠因鬲縣之名強附耳

古商河 漢許商河也由高唐禹城臨邑商河至利津入海舊德州為今陵縣東界商河已非本境與今德州更無涉

張公故關 在隋繹幕境內開皇廢繹幕立廣川

關在廣川境改廣川為長河關在長河境王承宗私移長河於御河西獻德棣二州而關入平原境矣新唐書註長河縣東南有張公故關指元和四年以前之長河言也

平原嶺 在今臨邑界州南門外高阜特假其名耳實即小胡城故址明洪武築城以米市角為前近山永樂定鼎北平改山為向以米市角為前案故高阜如舊若指為嶺胡土岡無石耶

鹿角關 在平原嶺上與州無涉

平原津 史記秦始皇東遊海上至平原津而病又韓信渡平原津襲齊歷下軍志云皆當在州境上按齊乘云平原嶺在德州東南七十里上有鹿角關其地在今陵縣之北又有鹿角津厭次津秦漢時河逕平原之南東北入海始皇自齊適趙韓信自趙襲齊所經津渡自是黃河其地當近平原嶺非州境也或因土橋西南有張家庄指為張甲河亦名張公渡有張公城謂平原津即此按張公故城張公渡在平原南六十

里見史記正義張甲河在屯氏河西見漢書無庸混指若云公孫宏封平津亦即此津則平津之封自在藁城蓋不啻風馬牛矣

德水 即今陵縣十里河不得以舊德州牽附

以上九條正訛

祠廟

文昌祠 景泰五年知州洪劍建於學宮東萬曆

二十五年知州劉道另建文昌閣於祠之東移

像入閣舊祠改為名宦祠

董顏祠 景泰間於文昌祠東建董子亭宏治十

二年改亭為祠有亭有臺有廂有坊萬曆四十

三年知州馬明瑞移其材料改建於城外河上

城內遂為空基崇禎四年州人程紹於小西門

外月河上建顏魯公祠康熙十七年知州佟淮

年將城外兩祠移於城內文昌閣後合祀名爲

董顏祠

名宦祠 自漢迄今名宦共二十四人學內崇祀春秋二八月祭

漢昭烈帝 蕭望之 趙熹 陳紀

匡衡 伏湛 史弼 晉阮种

邵續 隋房恭懿 唐介 趙挺之

陸績 唐顏真卿 趙叔皎 靳懷德

金曹望之 王擴 明趙時春 孫森

謝錫教 本朝劉源湛 梁維樞

明山西沁水縣知縣王進賢

明浙江道監察御史謝廷策

明河南巡撫工部右侍郎程紹

明福建道監察御史盧世灌

國朝 庠生贈刑部左侍郎田實栗

江西兵備道李允禎

浙江麗水縣知縣贈刑部左侍郎田緒宗

江蘇貴州巡撫戶部左侍郎田雯

順天學政翰林院侍讀蕭惟豫

翰林院編修田需

節孝祠雍正元年

詔立節孝祠三年知州陳留武於學東董子坊故址立

祠設主嗣後凡有已蒙

旌表者即為奉主入祠

以上五祠載在祀典俱於春秋下祭日各官分

獻

關帝廟

一在南門城上 一在小西門城上

一在上馬頭 一在遞運所街

一在水官驛 一在西門甕城

一在北廠東南 一在北廠西南

一在教場 一在稅務司街

一在柘園鎮

河神廟 自北廠外西關河上又有一廟明嘉靖

中兵備道趙時春建

火神廟 自大教場外一在學東南一在中心角

旗纛廟 自南教場外一在北門內

藥王廟 自柴市東外舊廟在河西五里庄

馬神廟 自州署外舊廟在南門外官驛街

東嶽廟 自參將署後外舊廟在河西八里庄

奎星樓 本在南門城上順治九年建康熙十八

年移於學東

三皇廟 在小鍋市南

劉猛將軍廟 在城西

晏公廟 在小西門南

厥神廟 在北城

江東神廟 在高真觀

白雲觀 在城南門外

馬神廟 在城南門外官驛側

東嶽廟 自參將署後外舊廟在河西八里庄

奎星樓 本在南門城上順治九年建康熙十八

年移於學東

三皇廟 在小橋市南

御東嶽廟 在城南門外

御西嶽廟 在城南門外

御中嶽廟 在城南門外

御南嶽廟 在城南門外

御北嶽廟 在城南門外

御東嶽廟 在城南門外

御西嶽廟 在城南門外

御中嶽廟 在城南門外

御南嶽廟 在城南門外

御北嶽廟 在城南門外

御東嶽廟 在城南門外

御西嶽廟 在城南門外

御中嶽廟 在城南門外

在城西南塘一丁街民居之
劍處也志云冢前山口曰瀟
冢形僅存土人云大水不

梁漢書齊士人

梁漢書志云

不烈西南

冢墓

魏濟青刺史高植墓 植字子建元魏司徒高肇

之子康熙間城北第六屯河岸因雨圻裂得一

石碑高寬三尺厚一寸碑字僅可辨名字官爵

末載神龜元年字樣按魏書外戚傳植自中書

侍郎為濟州刺史率州軍討破元愉別將有功

當蒙封賞植不受曰家荷重恩為國致效是其

常節何足以膺進陟之報歷青相朔恒四州刺

史清能著稱州人田雯有詩紀之此係康熙十

二年以後事故舊志不載

元清河郡公張祐墓 祐覃懷人仕於元累官至

中書省參知政事封清河郡公卒葬於此唐志

云在州治東通志云在陵縣東南三里是在舊

州治東也爲水淪沒無存

明蘇祿國東王墓 蘇祿國在東南海中國有三

王曰東王西王洞王以東王爲尊永樂十五年

東王巴圖噶巴達喇西王巴圖噶巴蘇爾洞王

巴圖噶巴喇布各率其妻子頭目來朝歸至德

州東王卒命有司營葬樹碑諭祭一壇謚曰恭

定封其長子圖瑪哈爲蘇祿東王率眷屬歸國

留侍從十餘人守墓王次子溫哈喇三子安都

魯俱受俸賜永樂十九年嗣王遣使入貢

國朝雍正五年國王來朝九年國王蘇老丹摺奏禮

部查明前明留德守墓人等子孫以溫安爲姓

入籍德州題定二姓各立奉祀生一名該撫題

明嫡系承襲給照在案十年發帑金脩其墓

明督都曹得墓 得山西懷仁人永樂十三年鎮

德州十九年卒命有司造墳安葬遣官諭祭皇太子親王亦遣官諭祭其部曲就居墓所因名

曹村

明指揮王鉉墓在城北五里景泰初諭祭乾隆二十一年其後裔猶有存者尙有故印票一紙而碑文則不可辨相傳以爲土木之變死節臣也

明禮部尙書張惠墓惠仕至南京禮部尙書天順三年卒其子琮扶柩歸葬上命布政使陸瑜

諭祭一壇在城西二里河上

明太僕卿張海母李氏墓成化二十一年上遣禮部右侍郎謝一夔諭祭文內有歸於名家早失所天孀居教子竟掇賢科等語以是知太恭人係完節張司馬本少孤也

明光祿卿盧宗哲墓在城西南八里迴龍廟萬

曆二年遣布政司右參議沈啟原諭祭一壇

明工部右侍郎程紹墓在城東二十里韓家庄

卒後晉贈本部尙書崇禎十二年遣監察御史

嚴雲京諭祭一壇

國朝

內院大學士謝陞墓 陞仕明累官光祿大夫左

柱國少傅兼太子太傅吏部尚書建極殿大學

士

世祖章皇帝定鼎北京徵拜左柱國內院大學士少傅

兼太子太傅吏部尚書卒於官贈太師謚清義

欽命鴻臚寺劉瑞圖護送內院中書舍人張光宸督造

墳塋順治二年遣禮部左侍郎孫之獬右侍郎

何瑞徵

諭祭一壇墓在城東南五十里九龍口

都御史趙繼鼎墓 鼎前明御史甲申之變倡義

誅僞官

大清兵下山東全城歸附以原官徵用累官都察院

右都御史管戶部右侍郎事順治十七年卒

諭祭葬墓在城東十里

戶部左侍郎田雯墓 雯歷任江蘇貴州巡撫內

陞戶部左侍郎康熙四十三年卒四十四年遣

德州志 卷二 濟東道宋廣業

諭祭一壇墓在城東南三十五里陽谷店

附漏澤園 卽義冢一在城南一在城北

寺觀

永慶寺 唐貞元元年建內有大鐘本在運河西

岸明永樂十年僧古峯移建城內州治後宏治

間鑄有銅鼎三 德州僧正司在此

慈氏寺 本在運河西岸與永慶寺同建俗呼爲

銀瓦寺雍正十二年河西徙出河東岸乾隆四

十四年巡撫國泰撤其材於八里屯建布達拉

廟四十八年奉

旨拆毀移在永慶寺西立旃檀佛像於內

賜額普陀廣教之寺

鐵佛寺 在東關宏治年建像高一丈八尺

擡頭寺 在城東南二十里古黃河東岸庄名解

家牌不知創始何時舊有白松二株古刹也成

化十八年重脩正德七年再脩雍正七年州人

王增祿捐脩并置田四十餘畝明王陽明曾讀

書此寺王元美亦曾僑寓日取藏經閱之又致

南藏經兩大龕以補寺藏之闕

龍泉寺 在城東南五十里土河東岸下臨黑龍

興龍寺 本名迴龍寺在城東南五十里大橋之

西

崇興寺 在城南二十里舊志即載寺名其由來

舊矣雍正五年僧本旺立志脩整乾隆十二年

僧性誠繼其志至十八年重脩大殿擴其舊規

增配殿天王殿山門二十年又建千佛閣及禪

堂方丈羣房計三十餘間增置寺田八十餘畝

上果寺 在城東十二里一名傅家寺

清演寺 在城東二十五里古黃河東岸

華嚴殿寺 在城東北八十里

三寶殿寺 在城東北九十里

西長定寺 東長定寺 俱附近邊臨鎮

白佛寺 在城東南趙家庄

觀音禪寺 在城東北蕭官屯

慧光寺 在玉皇閣內

大覺寺 在城東北

觀音寺 在城西南二十五里榮家寨東昌僧廣

通來此焚脩竭力脩整殿宇門牆四十年中陸

續置地四頃房屋數十椽其弟子與玉於廣通


示寂後又增地三百餘畝里人爲立公約碑記

給孤寺 在城西南五里運河東岸

高真觀 在北門內元時建正德中脩

清脩觀 一名螽斯觀在河西高海州人田教諭

霖重脩



園亭

南湖書院

在王從店鄉別駕頤賢致仕後教授

生徒之處內有讀書堂蘆南書屋進士丁永成

舉人楊梅貢生袁一琴咸受學焉

靜軒 程右丞珪讀書處

濯錦園 在城北郭枕河流峯巒洞壑遞繞奇勝

為程司空紹別墅石刻字徑尺許內有貽燕堂

啟秀坊詠駿亭皆董其昌書鵞羣榭王鐸書園

之北為窺園城西二里為南園有會心亭

望雲閣 在城內西北萬歷間金方伯煉建

東壁樓 在東郭外程別駕泰別業

尊水園 在城內西偏盧侍御世灌居也杜亭在

其中

拙政園 在城東三十里土橋西李孝廉誠明別

墅內有矩亭楹椽甍瓦皆方故名歲久傾圮曾

孫庭燦移築於見可園

見可園 在城內李大令源所構中有四清館坊

曰青未了聊城傳以漸書

絲槐書屋

在蓮花池

雲莊 在城東南四十五里

俱蕭侍讀惟豫讀書

處

湄園 在城內亦蕭侍讀別墅

瓜隱園 在城東二十五里田侍郎雯致仕吟咏

處

偶園 在南門東陳僉事洪諫別業

數帆亭 在西門外田教諭霽別墅

止園 在西門內貢生呂燦別業內有鐵菴

杏村 在城南五十里謝部中重輝別墅

古槐堂 在南門內孝廉李升居也有古槐一株

老幹槎枿清陰可愛相傳為唐時物

松雨樓 在西門內羅員外植別業又於宅後脩

印濂亭刻程子四箴於亭以樸實為訓其子貢

生以深因名曰樸園

物產 無益於民生日用者不載

穀之屬

黍黃白黑紅四種 稷亦四種 穀黃白二種

麥 大麥 蕎麥

黃豆 青豆 白豆

黑豆 綠豆 花豆

茶豆 蜀黍即高粱色白者貴 薏苡

脂麻

菜之屬

白菜 有黃芽白 韭

葱

芥 芹

菠菜

茄 菜菔 俗呼蘿蔔 扁豆 白者良

豆角 苜蓿 蒼莨 荳蔻

苘蒿 芫荽 玉環

銀條 蔓菁 莧

馬齒莧 俗名馬踏菜 蕨 亦曰蕨 蕈 俗名雷窩

苦菜 薺 青薊

金針 俗名黃花菜 紅白薯

瓜之屬

西瓜 冬瓜 白曰冬瓜 南瓜

金瓜 蒲瓜 或曰北瓜 玉瓜

菜瓜 亦曰梢瓜 絲瓜 甜瓜

苦瓜 脆瓜 瓠子

癩蒲萄 亦曰苦瓜 壺盧 甜者充食

果之屬

梅 桃 杏

三奇杏 李 梨

棠梨

桑葚

石榴

文官果

硃砂紅

皮苦名秋後蜜

無花果

請即優曇鉢

沙果

蘋果

棗

葡萄

檳子

木之屬

松

柏

榆

槐

桑

柘

柳

楊

椿

香椿

杜

桐

梧

俗曰紅荆

楸

椒

藥之屬

黃精

薄荷

枸杞

枯藁

車前

兔絲

甘草

杜仲

牽牛

秦椒

地丁

如意草

土名野茄子

益母草

夏枯草

蒲公英

老鸛嘴

青箱子

俗呼子穗穀

茵陳

蒺藜

蒼耳

麻黃

地膚子

金銀花

野菊花

艾

燈籠草

土名野西瓜

茜草

青蒿

香附

禽之屬

鵝

鴨

雞

鴿

獸之屬

牛

馬

騾

驢

羊

豕

狗

貓

魚之屬

鯉

鯽

鱸

鰕

鱔

白鱈

甲魚

蟹

貨之屬

棉花

布

手巾

蜜

黃蠟

肥皂

繅

冰

明永樂往來兩京德州有皇

涼帽胎

以特勒素草為之草出口北德州民業此者頗多京師帽胎悉從此去

卷一終

